

Wir haben ihm gesagt/dz die ver-
heißung Gottes warhafftig / vnd in
gemein allen vorgehalten seye/die da
sagt: Er rufft mich an/so wil ich ihn
erhören/ Ich bin bey ihm in der noth/
Ich wil ihn heraus reissen/vnd zu ehre
machen. In welchem verstande dan
auch die H. Schrift sagt/das Gott/
den Menschen in die höll hinab füh-
re/vnd wider heraus: dz ist/das Gott
zu seiner ehren/den Menschen also in
die versuchung/wie jme beschehē/ fal-
len/aber doch nit darinnen verderben
lasse / sondern er ziehe in genediglich
wider heraus / vnd erbarme sich lek-
lich seiner.

Psal. 91. 2.
15.

1. Sam. 2.
v. 6.

Kürzlich/wir habē ihm mit Christo-
lichem trost nit gemangelt/vnnd auß
H. Schrift allerhäd schöne trostsprü-
che fürgehalten. Als wir aber mit sol-
chem leyder wenig geschafft/habē wir
vns zum gebett gewendet/vñ in selbst
vil mal dz gebett vnser Herr Christ-
i/alz zu dergleichen fälle überaus füg-
lich vnd nutzlich/sprechē lassen. Dan